

omnem pro huiusmodi receptione oblacionem intervenientem pro certo constiterit¹ consensu² esse pestilentem et dampnabilem, quomodo oblationes pro Samuele facte, quarum interventu Heli sacerdoti commissus est, a reatu sint excusande, fateor stulticiam³ meam nulla ratione videre posse⁴. Non enim credere audeo, quod omnes sancti patres tam novi quam veteris testamenti, qui filios suos in conspectu Domini iugiter mansuros obtulerunt, a sacerdotibus et prophetis gratis eos omnium provisione sustentandos exegerint, nisi adhuc mee impericie aliquid inde certius legere vel audire Deo revelante contigerit Gregorius in Omeliis⁵: Dominus vendentes et ementes in templo columbas ex templo eliminat, quia vel eos, qui pro munere impositionem manuum tribuunt, vel eos, qui donum Spiritus sancti emere nituntur, dampnat. Idem Ianuario episcopo Sardinie⁶ de ordinationibus clericorum aut de his quae velantur virginibus: nullus quicquam praemii praesumat accipere, nisi quippiam⁷ sua sponte offerre voluerit. Idem Brunilde regine Francorum⁸: nullum, qui sub vestro regno est, ad sacrum ordinem ex dacione pecunie⁹ vel patrocinio quarumlibet personarum seu proximitatis iure paciamini accedere, sed ille ad episcopatum vel¹⁰ alterius ordinis officium eligatur, quem vita et mores dignum ostendunt. Idem Antonino subdiacono¹¹: illud prae omnibus cure tibi¹² sit, ut in electione Salonitani episcopi nec datio praemiorum quibusque modis interveniat, nec quarumlibet personarum patrocinia convalescant. Idem Adeodato episcopo¹³: nulla proveniat in ordinatione venalitas, ne, quod absit, et ordinatis et ordinantibus periculum immineat¹⁴. Idem <Columbo episcopo>¹⁵: nulla in ordinatione venalitas, potentia vel supplicatio personarum obtineat. Nam procul dubio¹⁶ Deus offenditur, si ad sacros ordines quisquam non ex merito, sed ex favore aut venalitate provehitur. Idem Mariniano¹⁷ episcopo Ravennae¹⁸: electus sine dolo vel venalitate aliqua ordinetur. Idem in registro¹⁹: grave nimium et ultra quam dici potest facinus, Spiritum sanctum, qui omnia redemit, vendere²⁰.

1) 'pro certo constiterit' am Rande nachgetragen. 2) Aus 'consensus'. 3) 'stultissimam' corr. 4) 'possum'. 5) In Evangelia II, 39, 2, Migne LXXVI, 1295. 6) Reg. IV, 24, MG. Epp. I, 259. 7) 'quispiam'. 8) Reg. VIII, 4, MG. Epp. II, 6. 9) 'pecunie ex dacione' corr. 10) Ueber der Zeile nachgetragen. 11) Reg. III, 22, MG. Epp. I, 180. 12) Ueber der Zeile nachgetragen. 13) Reg. III, 48, MG. Epp. I, 204. 14) 'meat'. 15) Reg. III, 47, MG. Epp. I, 203. 16) 'dubie'. 17) 'Mariano'. 18) Reg. VIII, 17, MG. Epp. II, 19. 19) Wo? 20) Nach 'vendere' die nicht hierhergehörigen